



# S. CECILII CYPRIANI Predigt /

Daß ein Christ willig vnd gern leyden vnd  
sterben soll.

**W**iewol bey etwer vielen/ geliebten Brüder/ ein steiff  
Gemüth/ vester Glaub/ ein ergeben vnd williges Herz/ das  
vmb gegenwärtiges Sterbens willen/ vn bewegt bleibt/ ja  
als ein starcker vnd vn beweglicher Felse/ die vnruhigen/  
vnd auffrührischen Anläuff der Welt/ vnd vngestümmen Wasserwel-  
len/ dieses Lebens/ brichet/ wirdt aber nicht zerbrochen/ noch mit Anfech-  
tung vberwunden/ sondern bewäret erfunden. Forcht des  
Todes wo-  
her. Dieweil ich aber noch  
vil vnter dem gemeinen Hauffen vermercke/ die entweder auß Schwach-  
heit ihres Gemüths/ Mangel ihres Glaubens/ oder auß Wolgefals-  
len vnd Liebe gegenwärtiges Lebens/ oder auß weiblicher Weichheit/ o-  
der welches das allergröffest vnd bösest ist/ auß Irthumb vnd Unge-  
wisheit der Wahrheit/ nicht mannlich mögen bestehen/ noch Göttliche  
vnd vnüberwindliche Stärke ihres Herzen/ in Sterbens Zeit bewei-  
sen. Kan ich diese Sache nicht länger vmbgehen/ noch vnterlassen/  
dieser zarten Gemüther Faulheit vnd Trägheit/ so viel mein Nichtig-  
keit vermag/ mit voller Krafft/ vnd Red auß des HERRN Wort ge-  
fasset/ zubegegnen/ vnd vndertrucken/ auff/ daß der Mensch/ so jetzt Got-  
tes vnd Christi zu seyn angefangen/ auch Gott vnd Christo würdig er-  
funden werde.

Dannes soll/ lieben Brüder/ ein jeder Ritter Gottes/ der in den Ein Ritter  
Christi soll  
in Zeit des  
sterbens nit  
zaghafte  
seyn.  
Hümlischen Zelten/ Hümlischen Sold verhoffet/ wissen/ vnd ein Herz  
nehmen/ daß er/ so die Wasserwellen vnd Auffrühren dieser Welt ein-  
her brechen/ nicht zaghaft werde/ noch Verzug nehme/ dann der HERR  
solches alles darumb zukünfftig hat geweissaget / vns fürsichtiglich  
warne